

յայրս եւ ի քարածերպս երկրի, եւ միահանդերծք բոկազնացք զգաստացեալք խոտաճարակք ընդաբուտք արմատակերք, զաւրէն զազանաց ի լերինս շրջէին՝ լեշկամաշկաւք եւ մորթաւք այծենեալք, նեղեալք տառապեալք եւ տարակուսեալք, յանապատի մոլորեալք, ի ցուրտ եւ ի տաւթ, ի քաղց եւ ի ծարաւ վասն սիրոյն Աստուծոյ:

3 Չայսպիսի ինչ համբերութիւն առեալ կրէին յանձինս իւրեանց զամենայն աւուրս կենաց իւրեանց. զի ոչ արժէ աշխարհս բնաւ զնոսա, որպէս եւ գրեալ է. զաւրէնս երամոյ թռչնոց բնակեալ էին սոքա ի ծագս¹ վիմաց, ի սորս քարանձաւաց, անինչք անստացուածք անխնամք, առանց դարմանոց ամենեւին չտանել մարմնոց: 4 Եւ եր նոցա բուն գլխաւոր սուրբն Գինդ, զի առ հասարակ ամենայն մարդիկ երկրին Յայոց անուանեալ կոչէին սմա՝ վարդապետ: 5 Բայց էին եւ ի նոցունց այլք աշակերտք, որք նմանէին իւրեանց վարդապետին եւ նորա ձեռնին, որոց անուանք այս են. Վաչակ, Արտոյտ, Մարախ, եւ Տրդատ լեալ եր սոցա ընգեր իսկ, որ առ մեծին քահանայապետին Ներսէսի եր լեալ սարկաւազապետ, եւ յետ մահուն Ներսէսի ի նոյն յառաջին վարդապետսն յանապատաւորաց դասս թեւակոխեաց: 6 Առնոյր սուրբն Գինդ եւ զՄուշէ մանուկ ծեռասուն, հաղորդէր վարուցն մեծին Գնդայ. եւ այլք բազումք էին նորա աշակերտք հրեշտակակրանք, զորոց զվարս ոք պատմել ոչ բաւեցէ:

7 Եւ եր սուրբն Գինդ լի Յոգուովն Աստուծոյ. եւ ոյք ընդ նմա, ըստ նմին աւրինակի առնէին սոքա նշանս մեծամեծս եւ զաւրութիւնս բազումս եւ բժշկութիւնս հիւանդաց յանուն Տեառն Յիսուսի Քրիստոսի: 8 Եւ ընդ բազում հեթանոս տեղիս շրջէին յաշխարհս հեռաւորս, եւ ի սփիւռս հեթանոսաց դարձուցանէին զմոլորութիւն բազմաց, եւ զբազում մարդիկ ածէին ի գիտութիւն կենաց եւ ի ճանապարհն ճշմարտութեան: 9 Եւ սուրբն Գինդ լնոյր զամենայն անապատս մենակեցաւք, եւ զամենայն շէնս վաներաւ, եւ բազում յաշխարհի ուղղեալ կացուցանէր կարգս մարդկան զաստուածեղէն կրանիցն: 10 Բայց սակայն ինքն առեալ վիճակ բնակութեան ունէր զանապատն, ուստի բխեալ հոսէն ակոբ Եփրատ գետոյն: 11 Անդէն բնակեալ ընդ ծագս² վիմացն, ուր յառաջու կայեանքն էին մեծին Գրիգորի առաջնոյ, որում տեղեացն Ոսկիք կոչէն. ի նոյն ծագս եր բնակեալ մեծն անապատաւորաց Գինդ: 12 Իսկ սուրբն Մուշէ առ նմա հանապազորդեալ էր. բայց այլքն զայլ գաւառս շրջէին հրամանաւ իւրեանց գլխաւորին Գնդայ: 13 Եւ սրբոյն Տրդատայ կայեանք բնակութեան եր ի գաւառն Տարաւնոյ, շինեալ զիւր եղբարց³:

1 *Յերկուս օրինակս՝ ի ծակս*

2 *Յօրինակի միում ընդ ծակս*

3 *Ի Պատկանեան տպ. եղբայրանոցս*